



Broj/Број: _____/11
Sarajevo/Сарајево: 6.7.2011.godine

Na osnovu člana 55. Zakona o radu u institucijama Bosne i Hercegovine ("Službeni glasnik BiH", br. 26/04, 7/05, 48/05 i 60/10), Odluke o uslovima i načinu prijema pripravnika VII. stepena stručne spreme u radni odnos u institucijama Bosne i Hercegovine ("Službeni glasnik BiH", br. 52/05 i 102/09), člana 3. Pravilnika o jedinstvenim kriterijima i postupku izbora i prijema pripravnika i volontera VII. stepena stručne spreme u radni odnos u Sekretarijat Parlamentarne skupštine Bosne i Hercegovine broj: 03-34-6-791/06 od 07.11.2006. godine, te člana 2. Odluke o prijemu volontera u Sekretarijatu Parlamentarne skupštine Bosne i Hercegovine, broj: 03-34-1-660/11, od 28.6.2011. godine, Parlamentarna skupština Bosne i Hercegovine raspisuje

JAVNI POZIV
za prijem volontera u Sekretarijat Parlamentarne skupštine Bosne i Hercegovine

U Sekretarijat Parlamentarne skupštine Bosne i Hercegovine primaju se volonteri:

1. sa završenim pravnim fakultetom, 3 izvršioca
2. sa završenim fakultetom političkih nauka, 1 izvršilac

Opis poslova i radnih zadataka:

Volonteri će obavljati poslove s ciljem osposobljavanja za samostalan rad u okviru svoje struke i sticanja radnog iskustva za polaganje stručnog (upravnog) odnosno javnog ispita.

Uslovi za prijem:

- 1 Volonter mora ispunjavati sljedeće opće uslove propisane članom 10. Zakona o radu u institucijama Bosne i Hercegovine:
 - da ima navršениh 18 godina života, što se dokazuje izvodom iz matične knjige rođenih (original ili ovjerena fotokopija), ne starijim od šest mjeseci,
 - da je državljanin Bosne i Hercegovine, što dokazuje uvjerenjem (original ili ovjerena fotokopija) ne starijim od šest mjeseci,
 - da protiv njega nije pokrenut krivični postupak što dokazuje uvjerenjem nadležnog suda, ne starijim od tri mjeseca,
 - da nije obuhvaćen odredbama člana IX. stav 1. Ustava Bosne i Hercegovine, što dokazuje izjavom ovjerenom kod nadležne općinske službe,
 - da je zdravstveno sposoban, što dokazuje ljekarskim uvjerenjem, ne starijim od tri mjeseca, a koje dostavljaju izabrani kandidati po završetku izborne procedure, a prije zaključivanja ugovora o volonterstvu.
2. Osim općih uslova propisanih zakonom, volonter mora ispunjavati i posebne uslove:
 - završen odgovarajući fakultet VII. stepena stručne spreme, odnosno visoke škole prvog ciklusa Bolonjskog sistema školovanja u trajanju od tri odnosno četiri godine, vrednovano s najmanje 180 odnosno 240 bodova Evropskog sistema prijenosa bodova – ECTS, što dokazuje diplomom ili uvjerenjem o diplomiranju koje je izdala visokoškolska ustanova, ne starijim od jedne godine od dana diplomiranja (original ili ovjerena fotokopija),

- da nema ostvaren radni staž duži od jedne godine, nakon stečene visoke stručne spreme, što dokazuje ovjerenom fotokopijom radne knjižice ili potvrdom – uvjerenjem zavoda za zapošljavanje,
 - 3. Izbor volontera komisija će izvršiti po sljedećim utvrđenim kriterijima:
 - prosjek ocjena završenog studija (original ili ovjerena fotokopija),
 - trajanje nezaposlenosti nakon sticanja diploma VII. stepena stručne spreme, prema evidenciji nadležne službe za zapošljavanje (original ili ovjerena fotokopija),
 - dijete bez jednog ili oba roditelja (izvod iz matične knjige umrlih - original ili ovjerena fotokopija).
 - Ukoliko kandidati ne dostave dokaz o ispunjavanju nekog od navedenih kriterija, neće biti bodovani po tom osnovu.
- Volonterski rad može trajati najduže jednu godinu.

Javni oglas ostaje otvoren do 25.7.2011. godine.

Prijavu na oglas, s potrebnim dokumentima, dostaviti preporučenom poštom na adresu:

Parlamentarna skupština Bosne i Hercegovine, ul. Trg BiH br. 1., 71 000 Sarajevo, s naznakom za "Javni oglas za prijem volontera".

Nepotpune i neblagovremene prijave neće biti razmatrane.